



Na osnovu člana 62. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05), Pravilnika o kriterijima i postupku odabira korisnika, dodjeli, načinu i uslovima korištenja stambenih jedinica u višestambenim zgradama izgrađenim u okviru Regionalnog stambenog programa („Službeni glasnik BiH“, broj 18/16), Uputstva o načinu i procedurama za odabir korisnika pomoći koja se dodjeljuje u okviru Regionalnog programa stambenog zbrinjavanja („Službeni glasnik BiH“, broj 69/13), u vezi sa Ovlaštenjem načelnika općine Zavidovići, broj :02-23-1845/18-AP-4 od 14.09.2021.godine, **Služba za upravu pitanja boraca,raseljenih lica i izbjeglica općine Zavidovići**, u saradnji sa Ministarstvom za ljudska prava i izbjeglica BiH i Federalnim ministarstvom raseljenih osoba i izbjeglica, **o b j a v l j u j e**

J A V N I P O Z I V
raseljenim osobama u općini Zavidovići za podnošenje prijave za pomoć u
stambenom zbrinjavanju u okviru Regionalnog stambenog programa – osiguranje
stambenih jedinica (stanova) po modelu neprofitno-socijalnog stanovanja
(16 stanova)

Pomoć za stambeno zbrinjavanje u okviru Regionalnog stambenog programa (RSP) se dodjeljuje raseljenim osobama u FBiH u vidu :

Osiguranja stanova kroz izgradnju stambenih jedinica u skladu sa propisanim standardima (Standardi za obnovu i izgradnju stambenih jedinica i objekata u svrhu zbrinjavanja povratnika, „Službeni glasnik BiH“, broj 74/2012 od 24.09.2012.godine, uključujući istandarde iz CEB politike za zaštitu životne sredine), kroz izgradnju zgrada po modelima neprofitnog –socijalnog stanovanja, u cilju integracije u mjestu raseljenja.

Sredstva će se osigurati iz kontribucija donatora u Fondu Regionalnog stambenog programa kojim upravlja Razvojna banka Vijeća Evrope.

Koordinator Projekta je Ministarstvo za ljudska prava i izbjeglice Bosne i Hercegovine, a implementator Projekta na području Federacije BiH je Federalno ministarstvo raseljenih osoba i izbjeglica.

I – OPĆI KRITERIJ ZA ODABIR KORISNIKA

Opći kriteriji / uslovi za utvrđivanje potencijalnih korisnika pomoći za obnovu, rekonstrukciju i izgradnju stambenih jedinica u okviru Regionalnog programa stambenog zbrinjavanja (RSP) su :

- a) korisnik je interno raseljena osoba u BiH ili izbjegla osoba iz Republike Hrvatske iz perioda od 1991. do 1995. godine neovisno od trenutnog formalno-pravnog statusa,
- b) korisnik je upoznat sa mogućnostima trajnih rješenja za izbjeglice i raseljene osobe u okviru RSP-a i odluku o trajnom rješenju izbjegličko-raseljeničkog problema kroz lokalnu integraciju u BiH, donio je dobrovoljno na osnovu dobre informisanosti,

c) korisnik i članovi korisničkog domaćinstva nisu vlasnici / suvlasnici ili posjednici stambene jedinice koja se smatra uslovnom za stanovanje, a u skladu sa odgovarajućim standardima o minimum stambenih uslova kako na teritoriji BiH tako i u Republici Hrvatskoj i nisu ranije primili pomoć za stambeno zbrinjavanje dovoljnu da zadovolji odgovarajuće standarde o minimumu stambenih uslova,

d) korisnik nije dobrovoljno raspolagao svojom stambenom jedinicom iz 1991. godine (prodaja, zamjena, poklon i sl.)

II – ISPUNJAVANJE, DOKAZIVANJE I PROVJERA OPĆIH KRITERIJA

1. Raseljena osoba u BiH svoj status dokazuje potvrdom / pravosnažnim rješenjem nadležnog organa općine privremenog boravka o status raseljene osobe.
2. Ispunjavanje općih kriterija po okolnostima iz Odjeljka I stav a), b), c) i d) dokazuje se potvrdom / uvjerenjem nadležnog organa i potpisanom **i ovjerenom izjavom podnosioca prijave** uz saglasnost podnosioca prijave za prosljeđivanje ličnih i ostalih podataka u cilju provjere tačnosti i vjerodostojnosti, uključujući i provjere po službenoj dužnosti.

Ukoliko se prilikom dodjele pomoći, u bilo kojoj fazi, utvrdi da su pojedini korisnici namjerno ili svjesno dali netačne podatke u prijavi i /ili neistinite navode u izjavi, takva prijava će biti diskvalificirana po službenoj dužnosti.

III – POSEBNI KRITERIJ ZA ODABIR KORISNIKA

Posebni kriteriji za odabir korisnika su :

- a) stambeni status,
- b) socijalni status i
- c) pripadnost ranjivim grupama.

IV – VREDNOVANJE POSEBNIH KRITERIJA I PRAVO PRVENSTVA

Na osnovu posebnih kriterija potencijalnom korisniku se može dodijeliti 200 bodova, i to :

- a) po osnovu stambenog statusa - maksimalno 70 bodova,
- b) po osnovu pripadnosti ranjivim grupama - maksimalno 100 bodova,
- c) po osnovu socijalnog statusa - maksimalno 30 bodova.

Broj bodova dodijeljen potencijalnom korisniku po svim osnovima se zbraja i potencijalni korisnici se rangiraju prema opadajućem redoslijedu od najvišeg do najnižeg ukupnog broja bodova posebno za svaku grupu korisničkih domaćinstava.

U slučaju da više potencijalnih korisnika ostvaruje isti ukupan broj bodova po svim osnovima, prednost se daje korisnicima koji su ostvarili više bodova po osnovu pripadnosti ranjivim grupama.

U slučaju da više potencijalnih korisnika ostvaruje isti ukupan broj bodova po osnovu pripadnosti ranjivim grupama prednost se daje višečlanim porodicama sa djecom / djetetom.

V- DOKAZIVANJE STAMBENOG STATUSA, PRIPADNOSTI RANJIVIM GRUPAMA I SOCIJALNOG STATUSA

Stambeni status dokazuje se potvrdom nadležnog organa o vrsti smještaja, ugovorom o podstanarskom odnosu ili drugom odgovarajućom potvrdom izdatom od strane nadležnog organa, i to :

- a) stanovanje u nedostojnim uslovima i u improviziranom smještaju kao i stanovanje u kolektivnom smještaju dokazuje se potvrdom lokalne zajednice na čijem području korisnik živi,
- b) stanovanje u alternativnom smještaju dokazuje se rješenjem nadležnog organa o vrsti alternativnog smještaja , stanovanje sa drugim porodicama i podstanarstvo dokazuje se ugovorom o podstanarskom odnosu ili izjavom ovjerenom kod nadležnog organa.

Pripadnost ranjivim grupama dokazuje se potvrdom izdatom od strane nadležne medicinske ustanove i / ili drugih organa koji vode službene evidencije za pojedine kategorije koje se boduju.

Zadovoljavanje posebnih kriterija po osnovu socijalnog statusa dokazuje se :

- a) odgovarajućom potvrdom nadležnog Centra za socijalni rad koji vodi službenu evidenciju u odnosu na korisnička domaćinstva u stanju socijalne potrebe
- b) odgovarajućom potvrdom Službe za zapošljavanje za sve punoljetne članove korisničkog domaćinstva u stanju socijalne potrebe.

VI – ISPUNJAVANJE, DOKAZIVANJE I PROVJERA POSEBNIH KRITERIJA

Ispunjavanje posebnih kriterija korisnik označava u obrascu prijave / izjave.

Dokazi o ispunjavanju posebnih kriterija o kojima se vodi službena evidencija kod nadležnih organa pribavljaju se službenim putem ukoliko ih potencijani korisnik nije dostavio.

Dokazi o ispunjavanju posebnih kriterija o kojima se ne vodi službena evidencija podliježu provjeri i to uvidom na terenu putem nadležnih općinskih službi, uvidom u odgovarajuće baze podataka kao i putem drugih dostupnih izvora.

VII – PODNOŠENJE PRIJAVA I DOKUMENATA

Prijave se podnose na propisanom popunjenom obrascu sa dokazima o ispunjavanju općih i posebnih kriterija lično (pisarnica Općine Zavidovići) ili putem pošte u zatvorenoj koverti na adresu općine : Općina Zavidovići, ul.Safvet-bega Bašagića br.9, 72220 Zavidovići, Služba za upravu pitanja boraca, raseljenih lica i izbjeglica **sa naznakom “RSP u BiH, podprojekat BIH6”**.

Prijave se mogu preuzeti u prostorijama općine Zavidovići(Info pult), Federalnog ministarstva za raseljene osobe i izbjeglice i na web stranici općine Zavidovići.

Javni poziv ostaje otvoren **od 15.09. do 05.10.2021.godine (15 radnih dana)**, od dana objavljivanja na oglasnim pločama općine Zavidovići, Federalnog ministarstvo raseljenih osoba i izbjeglica i na web stranici općine Zavidovići.

Pomoćnik načelnika
Midhat Bajramović, dipl.ecc

Broj: 05-45-2/21-AP-1117

Datum: 14.09.2021. godine